

唐貞元中，始沒入吐番。內屬者百五十餘年。（公元六四〇—七九二）唐懿宗咸通七年（公元八六六）北庭回鶻，進取西州，而西州遂屬於回鶻。但此地仍稱爲高昌。據吐峪溝所發現之古維吾爾文石刻稱：『其國王布哈里葛亦都克，在高昌之克子爾重修廟宇』（見本書附錄古維吾爾文石刻拓本）是高昌自漢至元均未廢棄。明初併入吐魯番，城遂荒廢矣。

（二）高昌古城之現狀 高昌舊城在吐魯番東南約六十里，隣近阿斯他拉（亦名二堡）及哈拉和卓（亦名三堡）兩村落。兩村落南部，有一片頽敗城牆及土堆，乃古之高昌城舊址。周圍約十里，大部尙完整。居民依城鑿室而居，多在北城，因此北牆有若干裂口，爲居民出入城內之徑路。城牆周圍甚不整齊，以東牆爲甚。城牆建築，有用土築者，有用土坯堆砌者，又有用黑沙泥築者。高昌自漢至元，歷經一千五百餘年，政權之更替，民族之變遷，於城牆之建築術及其形式，均有影響。城牆之不規則或突出，或窪入，其原因亦由於此。大城之內，另有一子城，西、南兩面，尙可見城牆遺迹；北面亦可見一段；東面全缺。居民云：『大城中有九個子城』，現可見者僅此，或歷代添築修補，致現出多種形式，並非真有九個子城也。城中多半已開墾爲耕地。城中古建築，由於農人挖取牆土作肥料，亦大半逐漸消失。現在保存之大宗建築物，多在子城內西北區，居民稱爲學堂，多爲古代廟宇建築，作穹窿形，用土坯砌成，再加塗泥粉及彩畫。（格圖 D、見 A. Grunwedel: Bericht über archäologische Arbeiten in Idikutschari und umgebung. 附圖 2 下同）。在此東南接近中心處另有一較古老建築，頗宏偉，牆壁皆用紅泥土築，每版約二尺見方，居民稱爲『汗土拉』，或稱爲『可汗堡』。（插圖 2）據云：『曾在此處發現有五銖錢及燒磚』。我等在此處稍作發掘，但未有所獲。德國考察隊在可汗堡東南（格圖 M、見同上）角，掘取紅沙石刻一方，即北涼沮渠安周造寺功德碑。王樹枏新疆訪古錄考訂爲沮渠氏承平三年，即宋元嘉二十二年（公元四四五年），時沮渠安周稱王高昌，建築寺宇，則此一帶或即沮渠氏時代之遺址。在可汗堡之南，勒柯克曾發現摩尼教壁畫，及古維吾爾文經典。居民亦稱在此處發現古維吾爾文字甚多，是子城之南部，或爲回鶻人入新後之政治中心區。城之東南部均爲低地，現已闢爲田園，或爲當時子城之城隍。故疑自漢迄唐之政治中心，可能均在子城之中心偏西北地區也。

（三）高昌古城附近之情形 我等於五日在城中考察完畢，次日復遊覽城之周圍。東城有河流繞於旁，此水即由勝金口水